





X, 108.



# Die Eudsche Messe vnd Ordnunge Gottes diensts.

## Wittemberg.

Nemet byn/ Effet/ Das  
Nemet hin vnd trincket

thut zu meinem gedechnis.  
inn meinem blut ꝛc.



ist mein Leib / Der fur euch  
alle darans / Das ist der kelch

gegeben wird/ Solchs  
des Herten Ahament



211



427.  
10.  
171

Faint, mirrored bleed-through text from the reverse side of the page, including the words 'BIBLIOTHECA' and 'PUNICKAVIANA'.



## Vorrede Martini Luther.

**V**or allen dingē wil ich gar freund

lich gebeten haben / auch vmb Gottes willen / alle die ienigen / so diese vnser Ordnung inn Gottes dienst sehen / odder nachfolgen wollen / das sie ia kein nötig gesetz draus machen / nach iemands gewissen damit verstricken oder fahen / sondern der Christlichen freyheit nach / ihres gefallens brauchen / wie / wo / weñ / vnd wie lang es die sachen schick en vnd foddern / Denn wir auch solchs nicht der meynunge lassen ausgehen / das wir yemand dar ynnen meystern oder mit gesetzen regiren wolten / sondern / dieweil allenthalbē gedrungen wird auff deutsche Messen vnd Gottis dienst / vñ gros klagen vnd ergernis gehet vber die mancherley weise der newen Messen / das ein itzlicher ein eygens macht / etliche aus guter meynung / etliche aus fürwitz / das sie auch was newes auff bringen / vnd vnter andern auch scheynen vnd nicht schlechte meyster seyen / wie den der Christlichen freyheit alle wegen geschicht / das wenig der selbigen anders gebrauchen / den zu eygner lust / odder nutz / vñ nicht zu Gottes ehre vnd des nehisten beserung. Wiewol aber eym itzliche das auff sein gewissen gestellet ist / wie er solcher freyheit brauche / auch niemants die selbigen zu weren odder zuerbieten ist / so ist doch dar auff zusehen / das die freyheit der liebe vnd des nehisten diener ist vnd sein sol. Wo es den also geschicht / das sich die menschen ergern oder yrrer werden / vber solchen mancherley brauch / sindt wir warlich schuldig / die freyheit einzuziehen / vñ so viel es möglich ist / schaffen vnd lassen / auff das die leut sich an vns bessern vñ nicht ergern. Weñ den an diser euserlichen Ordnung / nichts gelegen ist / vnser gewissens halben fur Gott / vñnd doch den nehisten

A ij      nutzlich

nützlich sein kan / sollen wir der liebe nach / wie S. Paul  
leret / darnach trachten / das wir eynerley gesinnet sein / vñ  
auffz beste es sein kan / gleicherweise vnd geberden sein /  
gleich wie alle Christen eynerley Tauffe / eynerley Sacra-  
ment haben / vñnd keynem ein sonderlichs von Gott  
geben ist.

Doch wil ich hiemit nicht begeren / das die ienigen /  
so bereyt ihre gute Ordnunge haben / odder durch Gottis  
gnaden besser machen können / dieselbigen fahren lassen vñ  
vns weichen / Den es nicht meine meynung ist / das gan-  
tze Deudsche Land / so eben müste vnser Wittenbergische  
Ordnung annehmen / Ist doch auch biszher nye geschēhē  
das die Stiffe / Klöster vnd Pfarrhen inn allen stücken  
gleich weren gewesen / Sondern sein wer es / wo inn eyner  
itzlichen Herschafft der Gotts dienst auff eynerley weise  
gienge / vñ die vmbliegende Stedtin vnd Dörffer mit ey-  
ner Stadt gleich barteten / ob die inn andern Herschafftē  
dieselbigen auch hielten oder was bsonders darzu thetten /  
sol frey vnd vngestraft sein / Denn summa / wir stellen sol-  
che Ordnung gar nicht vmb der willen / die bereit Christen  
sind / den die bedürffen der dinge keyns / vmb welcher wil-  
len man auch nicht lebt / sondern sie leben vmb vnser willē  
die noch nicht Christen sind / das sie vns zu Christen ma-  
chen / sie haben ihren Gottes dienst im geist. Aber vmb  
der willen mus man solche Ordnunge haben / die noch  
Christen sollen werden / odder stercker werden / Gleich wie  
ein Christen der Tauffe / des worts vñ Sacraments nicht  
darff / als ein Christen / denn er hats schon alles / sondern  
als ein sündler. Allermeyst aber geschichts vmb der einfelti-  
gen vñ jungen volcks willen / welchs sol vñd mus /  
teglich inn der schrift vñ Gottes wort geübt vñ erzogen  
werden / das sie der schrift gewohnet / geschickt / leufftig  
vñ kündig drinnen werden / ihren glauben zuuertreten /  
vñ andere mit der zeit zulehren / vñ das reich Christi



helffen mehrer / vmb solcher willen muß man lesen /  
singen / predigen / schreyben vnd tichten / vnd wo es  
hüßlich vnd södderlich darzu were / wolt ich lassen mit  
allen glocken dazu leuten / vnd mit allen Orgeln pfeiffen /  
vnd alles klingen lassen was klingen künde / Den darumb  
sind die Bestlichen Gottes dienste so verdämllich / das sie  
Gesetze / werck vnd verdienst draus gemacht / vnd damit  
den glauben verdruckt haben / vñ dieselbigen nicht gericht  
auff die iugent vnd einfeltigen / dieselbigen damit inn der  
schriffte vnd Gottes wort zu vben / sondern sind selbst dran  
behalten / vnd halten sie als ihn selbst nutz vñ nöttig zur  
seligkeit / das ist der Teuffel / Auff welche weise / die alten  
sie nicht geordnet haben noch gesetzt.

Es ist aber dreyerley vnderscheyd Gottes diensts vnd  
der Messe. Erstlich eine Latinsche / welche wir zunor ha-  
ben lassen ausgehen / vnd heyst Formula Messe. Dise wil  
ich hiemit nicht auffgehoben odder verendert haben / son-  
dern / wie wir sie bisher bey vns gehalten haben / so sol sie  
noch frey sein / derselbigen zugebrauchen / wo vnd weñ es  
vns gefellet odder vrsachen bewegt / Denn ich inn keynen  
weg wil die Latinsche sprache aus dem Gottes dienst las-  
sen gar weg komen / den es ist mir alles vmb die iugent zu-  
thun / Vnd weñ ichs vermöcht / vnd die Kriechsche / vñ  
Ebreische sprach were vns so gemein als die Latinsche /  
vñ hette so viel feyner Musica vnd Gesangs / als die Lati-  
nische hat / so solte man einen Sonntag vmb den andern /  
inn allen viersprachen Deutsch / Latinsch / Kriechisch  
Ebreisch Messe halten / singen vñ lesen. Ich halte es gar  
nichts mit denen die nur auff eine sprache sich so gar geben  
vnd alle andere verachten / Den ich wolte gerne solche iu-  
gent vnd leute auffziehen / die auch inn frembden Landen  
künden Christo nutze sein / vnd mit den leuten reden / das  
nicht

wicht vns gtingerwote den Waldenser in Böhmen / die ir en  
glauben inn ihre eygene sprach so gefangen haben / das  
sie mit niemand können verstandlich vnd deutlich reden /  
er lerne denn zuvor ihre sprach / So thet aber der heilige  
Geist nicht im anfang / Er harret nicht bis alle welt gen  
Jerusalem köme vnd lernen Ebreisch / sondern gab aller  
ley zungen zum Predigamt / das die Apostel reden kündē /  
wo sie hin kamen / Diesem Exempel wil ich lieber folgen /  
vnd ist auch billich / das man die iugent inn viel sprachen  
vbe / wer weis wie Gott ihr mit der zeit brauchen wird  
dazu sind auch die Schulen gestiffet.

Zum Andern ist die Deutsche Messe vnd Gottes dienst  
da von wir itzt handeln / welche vmb der einfeltigen Leuten  
willen geordnet werdē sollen. Aber dise zwo weise müssen  
wir also gehen vnd geschehen lassen / das sie öffentlich in  
der Kirchen für allem volck gehalten werdē / darunter viel  
sind / die noch nicht glauben odder Christen sind / sondern  
das mehrer theil da stehet vnd gaffet / das sie auch etwas  
newes sehē / gerade / als wenn wir mitten vnter den Türcken  
oder Heyden auff eym freyen platz oder felde Gottis dienst  
hielten / denn hie ist noch keyne geordnete gewisse versam  
lung / darinnen man kündē nach dem Euangelio die Chri  
sten regiren / Sondern ist eyne öffentliche reitzung zum  
Glauben vnd zum Christenthum.

Aber die Dritte weise / die rechte art der Euangelischē  
Ordnunge haben solte / muste nicht so öffentliche auff  
dem platz geschehen vnter allerley volck / sonder die iheni  
gen / so mit ernst Christen wollen sein / vñ das Euangelio  
mit hand vnd munde bekennen / mussten mit namen sich  
einzeichnen / vnd etwo in eym Hause / alleyne sich versamlē  
zum gebet / zu lesen / zu Teuffen / das Sacrament zu em  
pfahen

pfahen vñ andere Christliche werck zu vben. In diser ordnung künd man die / so sich nicht Christlich hielten / Kennen / Straffen / Bessern / aus stossen / odder in den Bann thun / nach der regel Christi Matthei. 18. Die künd man auch ein gemeyne almosen den Christen aufflegen / die man williglich göbe vnd theilet vnter die armen / nach dem Exempel S. Pauli 2. Corinth. 9. Die dürffts nicht viel vnd gros gesenges. Die künd man auch ein kurtze fei- ne weise mit der Tauffe vnd Sacrament halten / vnd alles auffz wort vñ gebet vnd die liebe richten. Dye müste man eynen kurtzen Catechisimum haben vber den glauben / Zehen Gebot vnd Vater vnser. Kurtzlich / wenn man die leute personen hette / die mit ernst Christen zu sein begerten die Ordnunge vnd weisen weren balde gemacht. Aber ich kan vnd mag noch nicht ein solche gemeine oder versam- lunge ordnen odder anrichten / Den ich habe noch nicht leute vnd personen dazu / so sehe ich auch nicht viel die da- zu dringen. Kompts aber / das ichs thun muß vnd dazu gedrungē werde / das ichs aus gutem gewissen nicht lassen kan / So wil ich das meine gerne dazu thun / vñ das beste so ich vermag / helffen. In des wil ichs bey den gesagten zwo wissen lassen bleiben / vnd öffentlich vnter dem volck solchen Gottis dienst / die iugent zu vben vnd die andern zum glauben zu ruffen vnd zureitzen / neben der predigt / helffen foddern / biss das die Christen / so mit ernst das wort meynen / sich selbst finden vnd anhalten / auff das nicht eyne Kotterey draus werde so ichs aus meinem Kopff treybe wolte / Den wir Dentschen sind ein wild ro- tobend volck / mit den nicht leichtlich ist etwas an zufahē es treybe den die hohiste not.

Wolan im Gottes namen. Ist auffz erste im Dende- schen Gottes dienst / ein grober / schlechter / einfeltiger gu- ter Catech-

ter Catechismus von nöten. Catechismus aber heyst eyne  
vnterricht / damit man die heyden / so Christen werden  
wollen / leret vnd weiset / was sie glauben / thun / lassen vñ  
wissen sollen in Christenthum / daher man Catechume-  
nos genennet hat / die leer iungen / die zu solcher vnterricht  
angenomen waren / vnd den glauben lernten / ehe denn  
man sie tauffet. Dise vnterricht odder vnterweisung / weis  
ich nicht schlechter noch besser zustellen / denn sie bereit ist  
gestellet von anfang der Christenheit / vnd bisher blieben /  
Nemlich die drey stück / die Zehen gebot / der Glaube / vnd  
das Vater vnser. In disen dreyen stücken steht es schlecht  
vñ kurtz fast alles was ein Christen zu wissen not ist. Dise  
vnterricht mus nu also geschehen weil man noch keyne  
sonderliche gemeine hat / das sie auff der Cantzel / zu etli-  
chen zeytten odder teglich wie das die not foddert / fur ge-  
predigt werde / vnd daheymen im hensen / des abents vñ  
morgens den kindern vnd gesinde / so man sie wil Christen  
machē / furgesagt oder gelesen werde. Nicht alleyne also /  
Das sie die wort auswendig lernen noch reden / wie bis-  
her geschehen ist / sondern von stück zu stück frage / vnd sie  
antworten lasset / was ein iglichs bedeutet / vnd wie sie es  
verstehen. Kan man es auff eynmal nichts alles fragen /  
so neme man ein stück für / des andern tages ein anders /  
Denn wo die eltern odder verweser der iugent diese mühe  
durch sich selbst oder andere nicht wollen mit ihn haben /  
so wird niemer mehr kein Catechismus angericht werden /  
Es köme denn dazu / das mann ein sonderliche gemeine /  
anrichtet wie gesagt ist.

Nemlich also sol man sie fragen / Was betestū? Ant-  
wort / das Vater vnser / Was ist denn / das du sprichst /  
Vater vnser ym himel? Antwort / Das Gott nicht ein ir-  
discher / sondern ein hymelischer Vater ist / der vns im hy-  
mel wil

mel wil reich vnd selig machen. Was heyst den dein name  
werde geheyliget? Antwort / das wir seinen namen sollen  
ehren vnd schonen / auff das er nicht geschendet werde?  
Wie wird er denn geschendet vnd entheiliget? Antwort /  
Wenn wir / die seine kinder sollen sein / vbel leben / vnrecht  
lernen / vnd glauben. Vnd so fort an / was Gottes reich  
heyste / wie es kompt / was Gottes wille / was teglich  
brot etc. heyste. Also auch im glauben / Wie gienbestu?  
Antwort / Ich glaube an Gott vater / durch aus. Dar-  
nach von stück zu stück / darnachs die zeit gibt / eynes oder  
zwey auff eyn mal. Also / was heyst an Gott den Vater  
almächtigen glauben? Antwort / Es heyst / wenn das hertz  
ihm gantz vertrauet / vnd sich aller gnaden / gunst / hülffe  
vñ trost / zu ihm gewislich versihet / zeytlich vnd ewiglich.  
Was heyst an Ihesum Christ seinen son glauben? Ant-  
wort. Es heyst / wenn das hertz glaubt / das wir alle ver-  
lorrn weren ewiglich / wo Christus nicht für vns gestor-  
ben were 2c. Also auch inn den Zehen geboten mus man  
fragen / Was das erst / das ander / das dritte vnd andere  
gebot deuten / Solche fragen mag man nemen aus dem  
vnsern Betbuchlin / da die drey stück kurtz ausgelegt sind /  
oder selbs anders machen / bis das man die gantze summa  
des Christlichen verstands inn zwey stücke als inn zwey  
secklin fasse ym hertzen wilchs sind / glaub vnd liebe / Des  
glauben secklin habe zwey beutlin / inn dem eynen beutlin  
stecke das stück / das wir glauben wie wir durch Adams  
sünde alzumal verderbt / sündler vñ verdampt sind / Ro. 5.  
Im andern stecke das stücklin / das wir alle durch Ihesu  
Christ / von solchem verderbten / sündlichen verdampten  
wesen / erlöset sind / Ro. 5. Joh. 3. Der liebe secklin habe  
auch zwey beutlin / Inn dem eynen stecke dis stücke / das  
wir iederman sollen dienen vñ wol thun wie vns Christus  
than hat. Ro. 13. Im andern stecke das stücklin / das wir  
**B** allerley

allerley böses gerne leyden vnd dulden sollen.

Wenn nu ein kind begynde solchs zubegreiffen / das mans gewene / aus dem predigeten sprüche mit sich zubringen vnd den eltern auffzusagen / wenn man essen wil vber fische / gleich wie man vorzeyten das Latin auffzusagen pfeleget / vnd darnach die sprüche in die secklin vnd beutlin stecken / wie man die pfennige vnd groschen oder gülden in die taschen steckt. Als / des glaubens secklin sey das güldē secklin / inn das erste beutlin gehe dieser spruch. Ro. 5. In eines eynigen sünde / sind sie alle sündler vnd verdampt worden / Vñ der psal. 50. Sihe in sünden bin ich entpfangen vnd inn vnrecht trug mich mein mutter. Das sind zwehn Keynische gülden inn das beutlin. In das ander beutlin gehen die Vngerische gülden / als dieser spruch. Ro. 5. Christus ist für vnser sünd gestorben / vnd für vnser gerechtigkeit auffstanden / Item Johann. 3. Sihe das ist Gottes lamb / das der welt sünde tregt. Das weren zwehn gute Vngerische gülden inn das beutlin. Der liebe secklin sey das silber secklin / Inn das erste beutlin gehen die sprüche vom wolthun / als Gal. 4. Dienet vnternander in der liebe. Matth. 25. Was ihr eynem aus dem geringsten thut das habt ihr mir selbst gethan. Das weren zwehn silbern groschen in das beutlin. In das ander beutlin gehe dieser spruch. Matth. 5. Selig seit yhr / so yhr verfolget werdet vmb meinet willen. Ebre. 12. Wen der Herr liebet / den züchtiget er / Er steupt aber eynen iglichen son / den er auffnympt. Das sind zwehn Schreckenberger yñ das beutlin / Vnd las sich hye niemand zu klug duncken vnd verachten solch kinderspiel / Christus / da er menschen ziehen wolte / musste er mensch werden / Sollen wir kinder ziehen / so müssen wir auch kinder mit ihn werden / Wolt Gott das solch kinderspiel wol getrieben würde / man solt in kurtzer zeyt grossen schatz von Christlichen leuten sehen / vnd das  
reyche

reychen seelen inn der schrift vnd erkentnis Gottis würden /  
bis das sie selbst dieser bentlin / als *Locos communes* mer  
machen vñ die gantze schrift drein fasseten / sonst gehets  
teglich zur predigt / vnd gehet widder dauon / wie es hinzu  
gangen ist. Denn man meynt / es gelte nichts mehr / den  
die zeit zu hören / gedencet niemand etwas dauon zu lernen  
oder behalten. Also höret manchs mensch drey / vier iar  
predigen / vnd lernt doch nicht / das auff ein stück des glau  
bens künd antworten / wie ich teglich wol erfare. Es ste  
het inn büchern gnug geschrieben / Ja es ist aber noch nit  
alles inn die hertzen getrieben.

## Von dem Gottes dienst.

Weyl alles Gottis dienstis / das grossist vnd furnemst  
stück ist / Gottes wort predigen vnd leren / halten wirs mit  
dem predigen vnd lesen also. Des heyligen tags odder  
Sontags lassen wir bleiben die gewonlichen Epistel vñnd  
Euangelia / vñ haben drey predigt. Früe vmb fünffe oder  
sechste singet man etliche Psalmen / als zur Metten / Dar  
nach predigt man die Epistel des tages / allermeist vmb  
des gesindes willen / das die auch versorget werden vnd  
Gottes wort hören / ob sie ia inn andern predigeten nicht  
sein künden. Darnach ein Antiphon / vñ das *Te deum lau  
damus* oder *Benedictus* vmb einander / mit einem Vater  
vñser / *Collecten Benedicamus domino*. Vnter der Messe  
vmb acht oder neune / predigt man das Euangelion / das  
die zeit gibt durchs iar. Nach mittage vnter der Vesper /  
für dem *Magnificat* / predigt man das Alte Testament /  
ordenlich nach einander. Das wir aber die Epistel vñnd  
Euangelia nach der zeit des iars geteylet / wie bisher ge  
wonet / halten / Ist die ursach / Wir wissen nichts sonder  
B ij lichs inn

lich8 inn solcher weise zu taddeln / So ist8 mit Witten-  
berg so gethan zu diser zeyt / das viel da sind / die predigen  
lernen sollen an den orten / da solche teylung der Episteln  
vnd Euangelia noch gehet vnd vielleicht bleibt. Weyl  
man denn mag denselbigen damit nutze sein vnd dienen /  
on vnser nachteyl / lassen wir8 so geschehen / damit aber  
wir nicht die taddeln wollen / so die gantzen bücher der  
Euangelisten für sich nehmen. Diemit achten wir habe  
der Leye predigt vnd lere genug / wer aber mehr begert / der  
findet auff andere tage gnug.

Nemlich des Montags vnd Dinstags früe geschihet  
eyne deudsche Lektion von den Zehen geboten / vom glau-  
ben vnd Vater vnser / von der Tauffe vnd Sacrament /  
das dise zween tage / den Catechismen erhalten vñ sterckē  
inn sein rechten verstandt. Des Mitbochs früe / aber eyn  
deudsche Lektion / dazu ist der Euangelist Matheus gantz  
geordenet das der tag sol sein eygen sein / weyl es ia zumal  
ein feyner Euangelist ist für die gemeyne zu leren / vnd die  
gute predigt Christi auff dem berge gethan / beschreybt /  
vnd fast zu vbung der liebe vñ guten werck helt. Aber den  
Euangelisten Johannes / welcher zumal gewaltiglich  
den glauben leret / hat auch seinen eygen tag / den Son-  
abent nach mittage vnter der Vesper / das wir also zween  
Euangelisten ynn teglicher vbung halten. Der Dornstag  
Freitag / früe morgens / haben die teglichen wochen Lec-  
tion inn den Episteln der Aposteln / vnd was mehr ist im  
Newen Testament. Diemit sind lection vnd predigt gnug  
bestellet / das Gottis wort im schwang zuhalten / on was  
noch sind Lektion inn der hohen Schulen für die gelerten.

Für die Knaben vnd schuler inn der Biblia zu vben ge-  
het es also zu. Die wochen vber teglich / für der Lektion /  
singen /



singen sie etliche Psalmen latinisch / wie bisher zur Metten  
gewonet / denn / wie gesagt ist / wir sollen die iugent bey der  
latinischen sprachen inn der Biblia behalten vnd vben /  
Nach den Psalmē lesen die Knaben eyner vmb den andern  
zwen oder drey eyn Capitel latinisch aus dem Newē Testa-  
ment darnachs lang ist / Darauß lieset ein ander Knabe  
dasselbige Capitel zu deusch sie zu vben / vnd ob iemands  
von Leyen da were vnd zuhöret. Darnach gehen sie mit  
eyner Antiphon zur deuschen Lektion / dauon droben ge-  
sagt ist. Nach der Lektion singet der gantze hauffe ein  
deusch lied / darauß spricht man heymlich ein Vater vn-  
ser / Darnach der Pfarrher odder Capplan eyne Collecten  
vnd beschliessen mit dem Benedicamus domino / wie ge-  
wonet ist.

Desselbigen gleichen zur Vesper / singen sie etliche der  
Vesper Psalmen / wie sie bisher gesungen sind / auch lati-  
nisch mit eyner Antiphon / darauß cynen Dymnus so er  
verhanden ist / Darnach lesen sie abermal eyner vmb den  
andern zwen oder drey latinisch aus dem Alten Testament /  
ein gantzes oder halbes Capitel / darnachs lang ist / Dar-  
nach lieset ein Knabe dasselbige Capitel zu deusch / Dar-  
auß das Magnificat zu Latein / mit eyner Antiphon / oder  
Lied / Darnach ein Vater vnser heymlich / vnd die Collec-  
ten mit dem Benedicamus. Das ist der Gottis dienst  
teglich durch die wochen inn Stedten  
da man Schulen hat. .

B ij Des

## Des Sonntags für die Leyen.

Da lassen wir die Messgewand / Altar / Liechter  
noch bleyben / bis sie alle werden / odder vns gefellet zu=  
endern / wer aber hie anders wil baren / lassen wir gesche=  
hen / Aber in der rechten Messe vnter eittel Christen / müste  
der Altar nicht so bleyben / vñ der Pricster yemer zum vol=  
cke keren / wie on zweyffel Christus im Abendmal gethan  
hat. Tu das erharre seyner zeyt.

Zum Anfang aber singen wir ein geystlich Lied / oder  
eynen deutschen Psalmen in Primo Tono  
auff die weise wie folget. .



Ich wil den Herrn loben alle zeyt / Sein lob sol  
ymmer dar ym meinem munde sein. Meyne sele  
sol sich rhümen des Herrn / Das die elenden hörs  
ren ynd sich freuen. Preyset mit mir den Herrn /  
Vnd laß

Vnd laß vns mit eynder seynen nahmen erhö-  
 hen. Da ich den Herren suchte/ antwort er mir  
 vnd errettet mich aus aller meynen furcht.  
 Welche auff yhm sehen/ werden erleucht/ Vnd  
 yhr angesicht wird nicht zu schanden. Da dies  
 ser elende rieff/höret der Herr/ Vnd halff yhm aus  
 allen seynen nöten. Der Engel des Herrn lagere  
 sich vmb



sich vmb die her / so ihn fürchten / Vnd hilfft yhn  
aus. Schmeckt vnd seht / wie freundlich der herre  
ist / wol dem man der auff yhn thrawet. Furcht  
tet yhn seyue heyligen / Denn die yhn fürchten ha  
ben keynen mangel. Die reychen müssen dar  
ben vnd hungern / Aber die den herrn suchen ha  
ben keynen mangel an yrgend eyuem gut. Her  
zu kinder



zu kinder höre mir zu / Ich wil euch die furcht des



herren leren. Wer ist der lust hat zu leben: vnd



wünscht gute tage zu sehen. Behüt deine zun-



ge fur vbel/ vnd deine lippen das sie nicht betrug



reden. Las vom bösen vnd thu guts/ Suche



fryd vnd iag ihm nach. Die augen des Herrn



sehen auff die gerechten/ vnd seine oren auff yhr

C schreyen.





schreyen. Das andlig des Herrn steht vber



die so böses thun/ das er yhr gedechtnis aus rote



te vom lande. Wenn die gerechten schreyen / so



höret der Herr vnd errettet sie aus all yhrer not.



Der Herr ist nahe bey denen die zu brochens hertz



en sind/ vnd hilfft denen die zurschlagen gemuet



haben. Der gerechte mus viel leyden/ aber der

Herr hilfft






Herr hilfft yhm aus dem allen. Er bewaret yhm



alle seyne gebeyne/ Das der nicht eyms zn brochen



wird. Den gottlosen wird das vnglück tödten/



vnd die den gerechten hassen werden schuld haben.



Der Herr erlöset die Seele seyner knechte/ vnd alle



die auff yhn trawen/ werden keyne schuld haben.

Darauff Kyrie Eleison/ auch ym selben thon/ drey  
mal vnd nicht neun mal/ wie folget.

C ij Kyrie



Ry ri e & le i son.      Christe & le i son.



Ry ri e & le i son.

Darnach liest der Priester eyne Collecten inns Sfant inn  
vnisono / wie folget.

Almechtiger Gott / der du bist ein beschützer aller die auff  
dich hoffen / an welchs gnad niemand ichts vermag / noch et  
was für dir gild / lasse deine barmherzikeit vns reichlich wi  
derfarn / auff das wir durch dein heyliges eingeben dencken  
was recht ist / vn̄ durch deine krafft auch dasselbige volbring  
en / vmb Ihesus Christus vnser HERRN willen Amen.

Darnach die Epistel im octauo Tono / das er im vnisono der Collecten  
gleich hoch bleyhe / cunctis regule sunt iste.

Periodus est finis sententie.  
Colon est membrum periodi.  
Coma est incisio vel membrum Coli.

Regule huius melodie.



Inicium.

Coma.



Coma aliud.

Colon.

Periodus



Periodus. Questio. Exemplum. Finale.

So schreybt der heylig Apostel Paulus zu den

Corinthern. Lieben brüder/ da für halte vns

yderman/ nemlich für Christus diener/ vnd haus

halter vber Gottis geheymnis. Nu sucht man

nicht mehr an den hantshaltern/ denn das sie trew

erfunden werden. Myr ist aber eyn gerings/ das



ich von euch gerichtet werde odder vonn eynem



menschlichem tage / Auch richte ich mich selber



nicht. Ich bin wol nichts myr bewust / aber dar



ryn bin ich nicht gerechtfertiget. Der Herr aber




iftes / der mich richtet. Darumb richtet nicht fur



der zeyt / bis der Herre kome / welcher auch wird



ans liecht bringen / was im finstern verborgen ist /



und den



vnd den rad der hertzen offinbaren/ Als denn



wird eym yglichen von Gott lob widderfaren.

Er sol aber die Epistel lesen mit dem angesicht zum Volck gekert/ Aber die Collecten mit dem angesicht zum altar gekeret.

Auff die Epistel singet man ein Deudsch lied/ Tu bitten wie den heyligen Geyst/ odder sonst eyns/ vnd das mit dem ganzen Chor.

Darnach liest er das Euangelion in quinto tono/ auch mit dem angesicht zum Volck gekeret.

Quins melodie sunt iste regule.



Initium

Coma.



Coma aliud.

Colon.



Periodus

Finale.

Vox

Vox personarum.



Coma

Coma aliud

Colon



Periodus.

Questio.  
Vox Christi

Sinale.



Coma.

Colon.

Periodus.



Questio.

Sinale.

Exemplum Euangelij Dominice quarte in  
aduentu. ut sequitur.



So schreybe der heylig Johannis ynn seym



Euangelion.

Dis ist das zeugnis Johannis /

Da die



Da die Juden sandten vom Jerusalem / Priester



Vnd leuten / Das sie yhn fragten / Wer bistu :



Vnd er bekand vnd lengnet nicht / vnd er bekand /



ich bin nicht Christus / Vnd sie fragten yhn / Was



denn : bistu Elias : Er sprach / Ich byns nicht.



Bistu ein prophet : Vnd er anewart / Neyn / Da



sprachen sie zu yhm / Was bistu denn / das wir


Verill

D anewart





antwort dehnem geben / die vns gesand haben: was



sagstu vonn dir selbst: Er sprach / ich byn ein ruf



fende stym ynn der wüsten / richtet den weg des



Herrn / wie der Prophet Isaias gesaget hat / Vnd



die gesand waren / die waren vor den phariseern



vnd fragten yhn vnd sprachen zu yhm / Warumb



seufestu denn / so du nicht Christus bist / noch

Elias /



Elias / noch eyn prophet: Johannis antwort



yhn vnd sprach / Ich teuffe mit wasser / aber ist



mitten vnter euch getretten / den yhr nicht kennet /



der ist / der nach mir komet wird / welcher vor



mir gewesen ist / des ich nicht werd bin / das ich



seyne schuchriemen aufflöse. Dis geschach zu Beth



araba ien sit des Jordans / da Johannes teuffet.

D ij Nach dem



Nach dem Euangelio singt die ganze Kirche den Glaub-  
ben zu deudsch / Wir glauben all an eynen Gott.

Darnach gehet die Predigt vom Euangelio des Son-  
tags odder Festes. Vnd mich dunckt / wo man die Deudsche  
Postillen gar hette durchs iar / Es were das beste / das man  
verordente / die Postillen des tages / ganz odder ein stücke /  
aus dem buch dem volck zulesen / nicht alleine umb der Pres-  
diger willen / die es nicht besser künde / sondern auch umb der  
schwermer vnd secten willen zuuerhüeten / wie man siehet vñ  
spüret an den Homilien ynn der metten / das etwa eben auch  
solche weyse gewesen ist / Sonst wo nicht geystlicher verständig  
vnd der geyst selbst redet durch die Prediger (welchem ich  
nicht wil hyemit zil setzen / der geyst leret wol bas reden den  
alle Postillen vnd Homilien / so kompts doch endlich dahyn  
das ein yglicher predigen wird / was er wil / vnd an stat des  
Euangelij vnd seyner auslegunge / widerumb von blau end-  
ten gepredigt wird / Den auch das der vrsachen eyne ist / das  
wir die Episteln vnd Euangelia / wie sie ynn den Postillen  
geordenet stehen / behalten / das der geystreichen Prediger  
wenig sind / die eynen ganzen Euangelisten oder ander buch  
gewaltiglich vnd nutzlich handeln mügen.

Nach der predigt sol folgen eyne öffentliche Paraphra-  
sis des vater vnser / vñ vermanung an die so zum sacrament-  
gehen wollen / auff die odder besser weysse / wie folget.

Lieben fremde Christi / weyl wir hic versamlet sind inn  
dem namen des herrn / sein heyliges Testament zu empfaben  
So vermane ich euch auffss erste / das ihr ewr hertze zu Gott  
erhebt / mit mir zu beten das Vater vnser / wie vns Christus  
vnser herr geleret vnd erhörung trostlich zugesagt hat.

Das Gott vnser Vater im hymel vns sein elende Kinder  
auff erden barmherziglich ansehen wolte / vnd gnade verley-  
hen / das sein heyliger name vnter vns vnd inn aller welt ges-  
heyliget werde / durch reyne rechtschaffne lere seyner worts /

Vnd



Vnd durch brünstige liebe vnser lebens / Wolte gnediglich  
abwenden alle falsche lere vnd böses leben / darynn sein wer  
der name gelestert vnd geschendet wird.

Das auch sein reich zu Romme vnd gemehret werde / alle  
sünder / verblente vnd vom teuffel in sein reich gefangen / zur  
erkenntnis des rechten glaubens an Ihesum Christ seinen son  
bringen / vnd die zal der Christen groß machen.

Das wir auch mit sein geyst gesterckt werden / seynen wil  
len zu thun vnd zu leyden / beyde ym leben vnd sterben / ym  
guten vnd bösen / allzeyt vnsern willen brechen / opffern vnd  
töden.

Wolt vns auch vnser teglich brod geben / fur geyst vnd  
sorge des bauchs behüten / sondern vns alles guts gnug zu  
ihm verschien lassen.

Wolt auch vns vnser schuld vergeben / wie wir denn vns  
sern schuldigeren vergeben / das vnser hertz ein sicher frölich  
gewissen fur yhm habe / vnd fur keyner sünde vns nimmer  
fürchten noch erschrecken.

Wolt vns nicht eyn führen ym anfechtunge / sondern hel  
ffe vns durch seynen geyst / das fleysch zwingen / die welt mit  
yhem wesen verachten / vnd den Teuffel mit allen seynen  
rücken überwinden.

Vnd zu letzt vns wolt erlösen von allem vbel / beyde leyb  
lich vnd geystlich / zeytlich vnd ewiglich. Welche das alles  
mit ernste begeren / sprechen vñ hertzen / Amen / on allen zwey  
ffel glaubend / es sey ia / vnd erhöret im hymel / wie vns Chris  
tus zusagt / Was yhr bittet glaubt das yhrs haben werdet /  
so solt geschehen Amen.

Zum andern vermane ich euch ym Christo / das yhr mit  
rechten glauben des Testaments Christi warnehmet / vñ als  
lernmeyst die wort / darinnen vns Christus sein leyb vnd blut  
zur vergebung schenckte / im hertzen feste fasset / das ihr gedens  
cket vnd danckt der grundlosen liebe / die er vns bewysen hat /  
da er vns durch sein blut von Gots zorn / sünd / todt vñ helle

D iij erlöset

erlöset hat / vnd darauff ewerlich das brod vnd wein / das  
ist seynen leyb vnd blut / zur sicherung vnd pfand zu euch neh-  
met. Dem nach wollen wir ynn seynem nahmen / vnd aus  
seynem befehl / durch seyne eygene wort das Testament also  
handeln vnd brauchen.

Ob man aber solche Paraphrasin vnd vermanung wolle  
auff der Cangel flux auff die Predigt thun / oder fur dem  
Altar / las ich frey eym yglichen seine wiltore. Es sibet / als  
habens die alten bissher / auff der Cangel gethan / daher noch  
blieben ist / das man auff der Cangel gemeyn gebet thut / od-  
der das Vater vnser fur spricht. Aber die vermanung zu ey-  
ner offentlichē beicht worden ist. Denn damit bliebe das va-  
ter vnser mit eyner kurzen auslegung ym volck / vnd würde  
des Herrn gedacht / wie er befolhen hat am abend essen.

Ich wil aber gebeten haben / das man die selbige Paraphra-  
sis vnd vermanunge / conceptis / seu prescriptis verbis odder  
auff ein sunderliche weyse stelle / vmb des volcks willen / das  
nicht heute eyner also / der ander morgen anders stelle / vnd  
eyn iglicher seyne kunst beweyse / das volck yrrre zu machen /  
das es nichts lernen noch behalten kan. Den es ist ia vmb das  
volck zu leren vñ zufüren zuthun / darumb ist not / das man  
die freyheit hie breche / vnd eynerley weyse füre in solcher Pa-  
raphrasi vnd vermanung / sonderlich in eynerley kirchen oder  
gemeyne fur sich / ob sie eyner andern nicht folgen wollē vmb  
yhre freyheyt willen.

**Darnach folget das Ampt vnd  
dermunge / auff die weyße  
wie hernach folget.**

**Exemplum**

# Exemplum.

Unser Herr Ihesu Christ / ynn der nacht da er  
verrathen ward / Nam er das Brod / danckt vnd  
brachs / vnnnd gabs seinen Jüngern vnd sprach /  
Nempt hyn vnd esset / Das ist mein leyb / der fur  
euch gegeben wird / Solchs thut so offte yhrs  
thut / zu meinem gedechtnis.

Desselben



Desselben gleychen auch den Kelch / nach dem



abendmal vnd sprach / Nempt hyu vnnnd trüncket



alle draus / das ist der Kelch / cyn new Testament



ynn meynem blut / das fur euch vergossen wird



zur vergebung der sünde / soles thut / 10 offte yhrs



trüncket / zu meynem gedechtnis.

Es dunckte mich aber / das es dem abendmal gemes sey / so man flux auff die consecration des Brods / das Sacrament reycht vnd gebe / che man den Kelch segenet / Denn so reden beyde Lucas vñ Paulus / Desselben gleychē den Kelch / nach dem sie

dem sie gessen hatten etce. Vnd dieweyl singe das deudsche  
 sanctus/oder das lied/Gott sey gelobet / oder Johans Zus  
 sen lied/ Jesus Christus vnser heyland/Darnach segene man  
 den Kelch vnd gebe denselbigem auch /vnd singe was vberig  
 ist von obgenanten liedern oder das deudsch Agnus dei/ Vñ  
 das man feyn ordenlich vnd züchtig zugehe / nicht man vnd  
 weyb /sonder die weyber nach den mennern/darumb sie auch  
 von eynander an sonderm orten stehen sollen. Wie mann sich  
 aber mit der heymlichen beycht halten solte / hab ich sonst  
 gnung geschrieben/vnd man findet meine meynunge ym Bet  
 büchlin

Das auffheben wollen wir nicht abthun / sondern behal  
 ten/darumb/das es feyn mit dem deudschen Sanctus stym  
 met /vnd bedeut/das Christus befolhen hat/sein zu gedenc  
 en/ Den gleich wie das Sacrament wird leyblich auffgeha  
 ben/vnd doch drunter Christus leyb vnd blut nicht wird ge  
 sehen/ also wird durch das wort der predigt seyner gedacht  
 vnd erhaben/dazu mit empfangung das Sacraments bekand  
 vnd hoch geehret / vnd doch alles ym glauben begriffen vnd  
 nicht gesehen wird/ wie Christus sein leyb vnd blut für vns  
 gegeben/vnd noch teglich für vns bey Gott / der vns gnade  
 zurlangen/zeyget vnd opffert.

## Das deudsch Sanctus.

Jesaja dem Propheten das geschach / das er ym

Geyst den Herren sitzen sach / auff eynem hohen  
 thron

thron ynn hellem glantz / seynes kleydes saum  
 den kor füllet ganz / Es stunden zween Seraph bey  
 yhm daran / Sechs flügel sah er eyner ydern han /  
 mit zwen verbargen sie yhr antzigt klar / mit zwen  
 bedeckten sie die füsse gar / vnd mit den andern  
 zwen sie flogen frey / gen ander rufften sie mit groß  
 sen schrey / Heylig ist Gott der Herr Zebaoth /  
 Heylig



Heylig ist Gott der Herre Zebaoth/ Heylig ist Gott



der Herre Zebaoth/ Sein ehr die ganze welt erfüllet



hat / von dem schrey zittert schwel vnd balcken gar



das haus auch ganz vol rauchs vnnnd nebel war.

¶ Darnach folgen die Collecten mit dem seggen

Wir dancken dir Allmechtiger Herre Gott / das du vns durch diese heylsame gabe hast erquicket / vñ bittē deine barmherzigkeyt / das du vns solchs gedeyē lasset zu starckem glauben gegen dir / vnd zu brünstiger liebe vnter vns allen / vmb Ihesus Christns vnsers **HERREN** willen Amen.

¶ ij

Der Segen

# Der Segen vber das volck.

Der Herr segene dich vnd behütte dich.  
Der Herr erleuchte sein angesicht vber dir / vnd sey dir  
gnedig.  
Der Herr hebe sein angesicht auff dich / vñ gebe dir frid.

Exercitatio odder vbunge der melodeyen.  
Auff das man sich wol lerne schicken in melodeyen / vnd wol  
gewone der Colon / Comaten vnd der gleychen pausen / setze  
ich hye noch ein Exempel / Ein ander mag ein andere nemest.

## Die Epistel.



So schreybt S. Paul der heylig Apostel Ihes




su Christi / in den Corinthern. Dafur halt vns




yederman / nemlich fur Christus diener / vnd

haushalter





haushalter vber Gottis geheymnis / Nun suchte



man nicht mehr an den haushaltern / denn das



sie trew erfunden werden / Myr aber ist's eyn ges



rings / das ich von euch gerichtet werde / odder



von eynem menschlichem tage / Auch richte ich



mich selbst nicht / Ich byn wol nichts myr bes



wust / aber daryn byn ich nicht gerechtfertiget /

¶ ij Der Herr





Der Herr ist's aber der mich richtet / Darumb rich



tet nichts fur der zeyt / bis der Herre komme / welch



er auch wird aus liecht bringen was ym finstern



verborgen ist / vnd den radt der hertzen offnbaren /



als dann wird eynem yglichen von Got lob widderfas



set. Solchs aber lieben brüder / hab ich auff mich



vnd Apollo gedeuttet / vmb euret willen / das yhr

an vns



an uns lernet / das niemand höher von sich hal



te / denn verze geschrieben ist / auff das sich nicht



eyner widder den ander umb yemands willen



auffblase / Denn wer hat dich fur zogen? was



hastu aber / das du nicht empfangen hast? was



rhinnestu dich den / als der es nicht empfang



gen hette? Ihr seyt schon sat worden / yhr seyt schon  
reych

ca. 113






reych worden/ yhr hirschet on vns / vnd wolt Got



yhr hirschetet/ auff das auch wyr mit euch hirsche



en mochten.

Das Euangelium.



Horet zu dem heyligen Euangelion. So spricht



Ihesus Christus zu seynen Jüngern/ Nyemand




Kan zweyen Herren dienen/ entwedder/ er wird ey



nen hassen / vnd den andern lieben / odder wird

eynem





eynem anhangen / vnd den andern verachten / Ihr



künd nicht Gott dienen vnd dem Mammon / dar



umb sag ich euch /orget nicht für ewer leben /



was yhr essen vnd trincken werdet / auch nicht für



ewren leyb / was yhr anziehen werdet / Ist nicht



das leben mehr denn die speys / vnd der leyb mehr



denn das kleyd : Seht die Vogel vnter dem hymel

an / sic





an / sie sehen nicht / sie erndten nicht / sie samblen



nicht ynn die schewren / vnd ewer hymelischer Vater



nehret sie doch / Seyt yhr denn nicht viel mehr denn sie :



Wer ist vnter euch der seyner lang eyner elle zusezen



müge / ob er gleych drummb sorget : warumb sor



get yhr denn fur das Eleyd : Schawet an die Liliern



auff dem feld wie sie wachssen / Sie erbtten nicht

auch



auch nehn sie nicht / Ich sage euch / das auch



Salomon ynn aller seyner herlickeyt nicht bekleyd



det gewesen ist / als der selbigen eyns. So dann



Gott das gras auff dem feld also kleydet / das



doch herote steht / vnnnd morgen ynn den ofen ge



worffen wird / solt er das nicht viel mehr ei ch



thun: O yhr kleyu gleubigen / darumb solt yhr nicht  
S ij sorgen



sorgen vnd sagen / was werden wir essen / was



werden wir trincken / wo mit werden wir vns



kleyden: Nach solchem allen trachten die Heyden:/



Denn ewer hymelischer Vater weys / das yhr des als



es bedürffet / Tracht am ersten nach dem reych



Gottes / vnd nach seyner gerechtigkeit / So wird



enck solchs alles zu fallen. Drumborget nicht

für den







für den andern morgen / dem der morgen tag wird



für das seyne sorgen. Es ist gnug / das eyn yglich



sag seyn eygen vbel habe.

Das sey gesagt vom teglichen Gottis dienst / vnd vom wort Gottes zu leren / allermeyst für die eynfeltigen zu reyszen / Denn die Jugendt auff zu zuehen vnd die yheiligen / so aus furwitz vnd lust newer dinge gerne zu gassen sollen sollichs alles gar balde müde vnd vberdrüssig werden / wie sie bisher auch ym den Kirchen teglich gesungen vnd gelesen hat / vnd dennoch die Kirchen wüst vnd ledig bleiben sind / vnd schon bereyt auch ym deudschen thun / Darumb ist das beste das solcher gots dienst / auff die iugent gestellet werde / vnd auff die eynfeltigen / so zufals her zu kommen. Es wil doch bey den andern / widder gesetz noch ordnung noch vermanen / noch treyben helffen / die las man faren / das sie williglich vnd frey lassen ym gotts dienst / was sie vnwillig vn vngerne thun / Gott gefallen doch gezwungene dienst nicht / vnd sind vergeblich vnd verloren.

Aber mit den festen / als Weynachten / Ostern / Pfingsten / Michaelis / Purificationis / vnd der gleichen / mus es gehen /  
 E ij wie bis

wie bisher / latinsch / bis man deutsch gesang genug dazu ha-  
be / Denn dis werck ist ym anheben / darumb ist noch nit als  
les bereyt / was daz gehöret / alleyn / das man wisse / wie es  
auff eynerley weyse solls vnd müge zugehen / das der manch-  
erley weyse radt vnd mass gefunden werde.

Die Fasten / Palmtag / vnd Marterwochen lassen wir  
bleyben / nicht das wir yemand zu fasten zwingen / sondern  
das die Passion vñ die Euangelia / so auff die selbige zeyt ge-  
ordenet sind / bleyben sollen / doch nicht also / das man das  
hunger tuch / palmen schiessen / bilde decken / vñ was des gau-  
ckelwercks mehr ist / halten / odder vier Passion singen / oder  
acht stunden am Karfreitag an der Passion zu predigen ha-  
ben / sonder die Marterwoche sol gleych / wie ander wochen  
seyn / on das man die Passion predige / des tages eyne stunde /  
durch die woche / odder wie viel tage es gelüftet / vñnd das  
Sacrament neme / wer do wil / Denn es sol ia alles vmb des  
worts vnd Sacramenten willen vnter den Christen gesche-  
hen ym gots dienst.

Summa / diser vnd aller ordnung ist also zu gebrauchen /  
das wo eyn misbrauch drans wird / das man sie flux abthu /  
vñnd eyne andere mache / gleych wie der König Ezechias die  
cherne schlange / die doch Gott selbst befolhen hatte zu ma-  
chen / darumb zubrach vnd abthet / das die kinder Israel der  
selbigen misbrauchten / den die ordnung sollen zu fodderung  
des glaubens vnd der liebe dienen / vnd nicht zu nachteyl des  
glaubens. Wen sie nu das nicht mehr thun / so sind sie schon  
todt vnd abe / vñnd gelten nichts mehr / gleych als wenn eyn  
gute münze verfelscht / vmb des misbrauchs willen auffges-  
haben vnd geendert wird / odder als wenn die newen schuch  
alt werden vñ drucken / nicht mehr getragen / sondern wegg-  
geworffen vnd ander gekaufft werden. Ordnung ist eyn  
eufferlich

anßerlich ding / sie sey wie gut sie wil / so kan sie yn misbrauch  
geratten / Denn aber ist nicht mehr ein ordnung / sondern  
ein vnordnung / darumb stehet vnd gilt keyne ordnung / von  
yhr selbs etwas / wie bisher die Bestliche ordnung geach-  
tet sind gewesen / sondern aller ordnung leben / wurde / krafft  
vnd tugent / ist der rechte brauch / sonst gilt sie vnd tang gar  
nichts / Gottes geyst vnd gnade sey mit vns allen. Amen.

Martinus  
Luther.

Gedruckt yn der Chur-  
fürstlichen Stadt  
Zwickaw / durch  
Wolfgang  
Meyer-  
peck.



Handwritten text in a Gothic script, appearing as bleed-through from the reverse side of the page. The text is arranged in several lines and is difficult to decipher due to its orientation and fading.

Handwritten text in a Gothic script, appearing as bleed-through from the reverse side of the page. It consists of two lines of text.

Large block of handwritten text in a Gothic script, appearing as bleed-through from the reverse side of the page. The text is arranged in several lines and is difficult to decipher due to its orientation and fading.








2/2255  
(K2205670)

M.C.







# Deutsche Messe vnd Ordnung Gottes diensts.

## Wittenberg.

Nemet byn/ Eset/ Das  
Nemet hin vnd trincket



ist mein Leib / Der fur euch  
alle Darans / Das ist der kelch  
des neuen Testament

gegeben wird / Solchs  
ist mein Blut / Das fur euch  
alle darans / Das ist der kelch  
des neuen Testament

Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

Blue Cyan Green Yellow Red Magenta White 3/Color Black

Farbkarte #13

B.I.G.

